

太原府志

冊一

乾隆四十六年分守冀寧道沈三變等撰修

重脩太原府志序



太原為山西首郡漢之并州刺史
唐之河東節度其治所皆在於此
宋初慮其恃險乃徙州治而猶為
重鎮元明以來仍為大吏治所蓋
一都之會非他郡比地要事繁守
或缺人

皇上必命撫臣慎加遴選上其名於

大原府志

序

朝而後畀焉誠重之也夫首郡為列
城表率其政治風教與夫民俗之
習尚人材之造就四方莫不觀效
然則郡縣莫不有志而首郡之志
為尤當總其綱條詳其事類以垂
示久遠況自

本朝定鼎至今百數十年并土密迩
神畿涵濡

列聖之深仁厚澤不見兵革日久老者有
以養幼孤得遂長昇蕃豐義之象
曠古無比詎云一隅之紀載不足
以見

乾坤之全量而可缺如哉考舊志之纂
於前明者凡再

國朝順治十一年僅纂二冊以繫于
後甲子再閱而脩輯無聞今滇南

太原府志

序

二

方伯費公為守時謂茲事不可以
緩亟請備纂余時陳臬於茲亦樂
為憇憇焉及余自皖撫復奉

命移節而來而是書適告成凡四閱歲
更二守而始得付之剞劂蓋其成
之、不易如此雖曰因其實創也
諸賢守於簿書倥偬時而能留意
志乘使

重熙累洽之盛亦略見於斯編因以風示
列城而為凡有司之所取則此為
書所以錄畢公之誥孔子所以稱
善人為邦百年而漢史亦致義於
蕭規曹隨也一書之成如是推之
於治何莫不然余既與聞其始又
樂觀其成其快慰寔有倍於尋常
者因泐筆而為之序且以致余屬

望之意焉

乾隆四十八年歲次癸卯夏仲

撫晉使者農起謨



序

余嘗讀禹貢及太史公班固諸書謂
太原有陶唐氏之遺風焉山西拱衛
神京表括千里幅幘之廣倚山帶河民
生其間沐浴太平之日久迄今風俗
茂美奢儉得中斯殆柳州所稱思
深恭讓恬以愉者與太原置郡于秦
府于唐今為省治我

朝涵育中外咸登熙皞所謂垂裳之化

太原府志

序

也於時保釐之臣與羣有司共襄其
盛暇則延二三文學之彥披發載籍
勒成一書是可云貢於上而知其易
焉者矣夫志所以志其治之成也隸
山西省九府十州而太原為綱領既
脩太原而政無不舉是書之成提綱
挈領則凡山谿之固風教之醇農祀
之經人文之紀考其蹟淵乎其可思
也閱其書麟麟其已脩也成是書者

經始錢塘費方伯總以香漴沈觀察今
太守律齋虔君實董其成將付剞劂
余適來山右因思

國家休養生息百有餘載

皇上稽古右文覃敷郅治俾賢士大夫勤
民好古考迹詩書推表山川綴禹貢
周官下及戰國秦漢源流即今手是
編而全省之表括存焉是誠所謂
天子致太平以堯為準民樂山河之美而

太原府志

序

二

纖嗇懷伎之風邈矣予惟與賢太守
拜手而慶其成也是為序

賜進士出身

誥授通奉大夫山西布政使司仁和汪新撰



序

余以庚子冬奉

命視學山西明年春

翠華西幸余與冀寧觀察
費公迎

蹕清涼山下途間語余守太

太原府志

序

一

原時曾見舊志承訛踵謬
荒陋恒多竊有志修葺
之因舉某宜增某二宜
革若干一條余雖未覩其
書心甚躓焉未幾費公
以觀察司臬事又明年擢

任雲南之伯繼守太原者
香澧沈以律齋虔公搜羅
益富越三年而書始成
余惟太原一郡左亘恒山
右躡大河襟四塞控五原
轄州一縣十有明末造流氛

不靖隕垣堙塹井屋蒿萊
遺黎世竄喻生沴氣弗
鬱迫我

皇清受命統一區寓休養生
息三晉之間遂為樂土余以
時巡歷所至見夫車徒之

擊互冠蓋之絡繹民物之
恬熙被潤澤而大豐美其
猶有唐封之遺風乎蓋自
鴻仁丕冒久道化成而又省徭薄
賦屢

賜蠲復生斯土者涵濡

聖澤其君子說禮樂而敦詩書
其小人務力田而崇孝弟取
畋穰穰治登於古猗歟盛
哉是書之作繁者刪之簡
考詳之固不惟考核之精
亦以貴玉治於無窮已夫

陳詩觀風使者職也他日報

命于朝其將以是為

當寧獻

賜進士出身

誥授奉直大夫

文淵閣校理翰林院編修提督

太原府志

序

四

山西學政武進劉種之撰



序

山右古冀州之域平陽蒲
坂則神皋之奧區焉蟋
蟀山樞則唐魏之遺風
焉其俗喬而野其民質
而儉其地憑山臨谷綿

亘千里左接恒陽右連
太華控阨塞而拱神京
蓋自禹貢分野周官職
方迄今數千年攷疆
索按版圖班班可指諸掌
舊有通志別類分門凡

二百三十卷已亥歲予守太原
繙閱前志至詳且備既
而思我

國家累洽重熙民物富庶比
年來

翠華臨莅晉惠元山皆望

幸水石銘恩曠千載而一遇且
承平百數十年間俗尚之
沿革文獻之留遺即一名
一物一節一烈之足以扶風
教而厲廉隅者何可湮沒
弗傳思有以續而輯之首

捐瘡為倡而前方伯譚
古愚先生董其歲延名宿
設館局合眾而求之事
增於前文損於舊閱五年
於茲甫克歲事今年冬予
奉

恩命擢任滇南將行其司按諸
君以屬藁既成乞予數言
以弁篇首予惟志書之作
非徒撫按實備搜覽也蓋
亦採風問俗劑盈濟虛之
一助焉職斯土者改其山

以按其民物慨然思帝德
至功之所以盛唐勤魏儉之
所以興相與訂名臣之舊
業訪寓賢之遺踪物土之
宜而布之因民之利而利
之庶幾吏治蒸、清和上

理百姓喁、咸知嚮風慕義
豈不休哉至其義例之謹
嚴補前志所未備訂舛校
訛患衷至正者凡例中言
之詳矣概不贅

賜進士出身

誥授通奉大夫雲南布政使前
山西按察使錢唐費淳撰



序

嘗覽明史藝文志見山西府志之著錄者僅汾潞與大同耳太原為大都會而紀載闕如豈官斯土者改繁責鉅而皆無暇以為抑為之而不詳不核不足以資考鏡而為政治之本故無傳歟今年余奉

命來司臬事初抵治所而郡守長白虞君以新修太原府志遠成告余因詢其端末則初始者為今雲南方伯錢唐費公為守時所為振久墜之典而奮然有志乎斯事設專局聘名士蒐其廩餼寬其歲月使得專精考覈博採苟

搜而折衷於至當庶一郡之
文獻賴以有稽而可以脩小史
外史之所掌蓋其規模皆公
所定也公遷觀察繼之者為
今浙江溫處道華亭沈公
不懈益虔以修以飾使其事
詳而不蕪其文簡而不漏其
書漸有端緒而復以遷去今

太守乃踵二公之遺軌彙衆
賢之所長反覆諮詢求無
遺憾而因得衷然者此完
書也蓋自始開局以迄今茲
歲已五易矣其成之之久如
是則其書之善善可知吾
知今之修

國史者亦必取裁於斯而其著